

ZAPISNIK

SA 30. PROŠIRENE ON LINE SJEDNICE UPRAVNOG ODBORA UDRUŽENJA POSLODAVACA FBiH

održane dana 05.04. 2022. godine (utorak), sa početkom u 12:00 sati putem ZOOM aplikacije

Sjednici su prisustvovali članovi Upravnog odbora UPFBiH: Adnan Smailbegović, Safudin Čengić, Snježana Kopruner, Suad Ećo, Nijaz Skenderagić.

Sjednici su po ovlaštenju članova Upravnog odbora UPFBiH prisustvovali: Zdravko Markov (po ovlaštenju Želimira Čambersa), Josip Milas (po ovlaštenju Ivana Ljubić), Esad Pelidija (po ovlaštenju Rusmira Hrvica), Darko Josipović (po ovlaštenju Admira Suljevića), Zoran Gazibarić (po ovlaštenju Kemala Čolaka), Maja Budimir (po ovlaštenju Jadranke Penave).

Sjednici nisu prisustvovali članovi Upravnog odbora UPFBiH: Ramiz Grapkić, Eldin Hadžiselimović, Šejla Bojadžija, Nurdin Peštalić, Krasnodar Petrović, Adisa Karahodžić, Ante Suton, Vilim Primorac, Stjepan Kumrić.

Sjednici su pored članova UO članovi ESV-a Edin Ibrahimpašić i Zoran Gazibarić, te predsjednici Grupacija, članovi UO KS i predstavnici drugih kompanija iz FBiH.

Ispred UP FBiH: Mladen Pandurević i Mersiha Jusić.

Sjednicu je otvorio predsjednik Adnan Smailbegović i predložio slijedeći:

DNEVNI RED

1. Usvajanje Zapisnika sa 29. proširene sjednice Upravnog odbora UP FBiH;
2. Donošenje Odluke o poduzimanju aktivnosti za rad na uspostavljanju RobHuba;
3. Donošenje Odluke o poduzimanju aktivnosti za rad na uspostavljanju Biznis Huba;
4. Donošenje Odluke o pokretanju aktivnosti za osnivanju privrednog društva za obavljanje stručnih poslova iz oblasti zaštite na radu;
5. Donošenje Odluke o Izmjeni i dopuni Pravilnika o radu UPFBiH;
6. Donošenje Odluke o dopuni Odluke o osnivanju Centra za edukaciju;
7. Inicijativa UDOfBiH za obveznost kolektivnog osiguranja na radu kroz dopune Zakona o zaštiti na radu;
8. Inicijativa za proširenje primjene granskih Kolektivnih ugovora koje je potpisalo Udruženje poslodavaca FBiH;

9. Razmatranje pitanja rada studenata;
10. Tekuća pitanja
 - a) Zakon o ESV-u na nivou KS
 - b) Podrška projekta T.O.O.L Leaders of Tomorrow 8.
 - c) Informacija o usvjanju Zakona o porezu na dohodak i Zakona o doprinosima

Dnevni red je usvojen jednoglasno.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa 29 proširene sjednice UO UP FBiH

Predsjednik je obavijestio članove UO UP FBiH da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi.

A.D.1.1: Zapisnik sa 29. proširene on line sjednice UO UP FBiH je jednoglasno usvojen.

Mladen Pandurević je predložio da se tačke 2. i 3. zajedno razmatraju što je prihvaćeno od strane UO.

Tačka 2. Donošenje Odluke o poduzimanju aktivnosti za rad na uspostavljanju RobHuba;

Točka 3. Donošenje Odluke o poduzimanju aktivnosti za rad na uspostavljanju Biznis Huba;

Vezano za ovu tačku dnevnog reda direktor Pandurević je upoznao prisutne sa idejom.

Vezano za pokretanje aktivnosti za osnivanje RobHuba direktor je istakao da je cilj da UPFBiH u saradnji sa International Burch University koji će obezbijediti ekspertske osoblje za rad formira RobHuba u kojem bi bili instalirani roboti. Formiranje RobHuba bi bio začetak izgradnje tehnološkog parka u kojem bi se vršila edukacija zaposlenih u članicama Udruženja poslodavaca FBiH koji bi radili kao operateri robota. Također vršila bi se i praktična obuka učenika srednjih škola iz Kantona Srajevo za rad na robotima kao i praktična obuka sa studentima sa državnog i privatnog fakulteta koji bi radili na programiranju softvera za robote.

Sredstva za osnivanje i rad RobHuba će se obezbijediti iz projekata a manjim dijelom iz vlastitog finansiranja. Nakon uspostavljanja RobHuba sredstva za njegovo funkcionisanje bi se obezbijedila iz njegovog rada odnosno RobHub bi se samofinansirao. U tom smislu direktor je rekao da bi Uo trebao da donese Odluku kojom se ovlašćuje direktor i predsjednik da pokrenu aktivnosti kako bi se osmislio projekat u cilju formiranja Rob Huba.

Kada je u pitanju Business Hub direktor je upoznao prisutne da je ideja da se pri UPFBiH uspostavi nova platforma čime bi UPFBiH na sebe preuzelo da promovira i uvede neophodnu digitalizaciju za svoje članice, kroz kreiranje platforme Poslovne društvene mreže koja bi se besplatno stavila na korištenje svim svojim članicama a prvenstveno ciljnoj grupi MMSP.

Nakon izlaganja Pandurevića, predsjednik Smailbegović je otvorio raspravu.

Gđa. Snježana Kopruner je zatražila da joj se malo bliže objasni ideja jer se iz same Odluke ne vidi, te da je potrebno prema članicama uputiti anketu o iskazivanju potreba za formiranje ovih klubova. Također je istakla da postoje projekti Evropske banke za obnovu i razvoj.

Gdin. Safudin Čengić je istakao da se u slučaju formiranja treba obezbjediti kvalitetan kadar u UPFBiH koji bi vodio ove poslove, te da bi trebalo pričekati sa donošenjem ove odluke. Gdin Muhamed Žero se slaže sa prijedlogom Čengića.

Suad Ećo je istakao da je ideja dobra i da je potrebno dobro osmisliti način na koji će se realizovati ova ideja.

Direktor Pandurević je istakao da se ne donosi odluka o formiranju RobHuba i BusinessHuba već da se samo shodno Statutu da ovlaštenje direktoru i predsjedniku Udruženja da mogu raditi na Projektu i da sa partnerima mogu ići u aktivnosti za formiranje centara. Dakle, potrebno je donijeti Odluku da li da se ide u aktivnosti.

Nakon veoma otvorene diskusije u kojoj su učestvovali svi prisutni UO je podržao da se ide u aktivnosti vezano za formiranje Business Huba i RobHuba uz izmjenu u prijedlogu Odluke u skladu sa diskusijom te su doneseni sljedeći zaključci:

A.D. 2.1 UO je jednoglasno usvojio Odluku o davanju saglasnosti za poduzimanje aktivnosti za rad na uspostavljanju RobHuba.

A.D. 3.1. UO je jednoglasno usvojio Odluku o davanju saglasnosti za poduzimanje aktivnosti za rad na uspostavljanju Business Huba.

Tačka 4. Donošenje Odluke o pokretanju aktivnosti za osnivanju privrednog društva za obavljanje stručnih poslova iz oblasti zaštite na radu;

Vezano za ovu tačku dnevnog reda direktor Mladen Pandurević je upoznao prisutne sa ovom tačkom dnevnog reda. Napomenuo je da je shodno Zakonu o zaštiti na radu u Federaciji Bosne i Hercegovine svi poslodavci su dužni da izvrše procjenu rizika i odredi poslove sa povećanim

rizikom. Procjenu rizika vrše ovlaštene organizacije licencirane od strane Ministarstva rada i socijalne politike. Trenutno ovlašćene organizacije, zloupotrebljavaju svoj položaj, a cijene usluga procjene rizika su veoma visoke i neprihvatljive za poslodavce.

Shodno navedenom veliki broja članica se obratio Udruženju sa idejom za osnivanje privrednog društva d.o.o. za obavljanje stručnih poslova iz oblasti zaštite na radu, koje bi isključivo obavljalo usluge za članice UPFBiH, po znatno povoljnijim cijenama.

Prema članu 64. Zakona o zaštiti na radu privrednom društvu ili ustanovi koja ispunjava kadrovske, organizacijske, tehničke i druge uvjete (u daljnjem tekstu: ovlaštena organizacija), federalni ministar izdaje dozvolu za obavljanje stručnih poslova iz oblasti zaštite na radu.

Za osnivanje privrednog društva d.o.o. prema Zakonu o privrednim društvima („Sl. novine FBiH“ broj 81/2015 i 75/2021) minimalni osnivački ulog je 1.000,00 KM. Pored minimalnog osnivačkog uloga za osnivanje su potrebni i troškovi sudskih taksi i ovjera, objava u službenom listu koji koštaju sve ukopno dodatnih 1.000,00 KM.

Prema Pravilniku o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu privredno društvo da bi dobilo licencu ovlaštene organizacija mora ispunjavati kadrovske i tehničke uslove. U pogledu kadrovskih (3 uposlenika) i tehničkih uslove (oprema, laboratorija, prostor) potrebno je obezbijediti potrebno je cc 200.000 KM. Navedena oprema koja se nabavi za ovlaštenu organizaciju može se iskoristiti i za kontrolu ispravnosti mlijeka i mliječnih proizvoda.

U tom smislu potrebna je garancija članica UPFBiH da će usluge procjene rizika vršiti kod ovlaštene organizacija koju formira UPFBiH. UPFBiH bi obezbijedilo sredstva za osnivanje, prostor i opremu kao i 3 mjeseca za plate uposlenog osoblja ovlaštene organizacije, a koja bi bila vraćena iz sredstava obavljanja usluga za članstvo. Dakle, privredno društvo za obavljanje stručnih poslova iz oblasti zaštite na radu nudilo bi usluge našem članstvu čak i do 30% niže od ponude postojećih ovlaštenih organizacija u cilju zaštite interesa članstva.

U raspravi su učestvovali svi prisutni. Mišljenja su bila podjeljena te je nakon veoma otvorene diskusije u kojoj su učestvovali svi prisutni doneseni su sljedeći zaključci:

A.D. 4.1. Zbog nepostojanja kvoruma o Odluci se nije moglo glasati.

A.D. 4.2. Obzirom da se Odluka razmatrala članovi Upravnog odbora će o Odluci glasati na pravoj narednoj sjednici UO.

Tačka 5. donošenje Odluke o izmjeni i dopuni Pravilnika o radu UPFBiH;

Vezano za ovu tačku dnevnog reda direktor Pandurević je upoznao prisutne da se izmjene pravilnika odnose na proširenje poslova za sve uposlenika po sistematizaciji radnih mjesta na način da su svi zaposleni u UPFBiH obavezni obavljati poslove u drugim pravnim licima čiji je osnivač udruženje poslodavaca FBiH.

Nakon rasprave donesen je sljedeći zaključak:

A.D. 5.1. Obzirom da nije bilo kvoruma za izjašnjavanje UO je zaključio da će se o Odluci glasati na prvoj narednoj sjednici.

Tačka 6. donošenje Odluke o dopuni Odluke o osnivanju Centra za edukaciju;

Vezano za ovu Odluku direktor Pandurević je upoznao prisutne da se radi o promjeni imena Centra za edukaciju na zahtjev Ministarstva obrazovanja. U tom smislu umjesto Poslovni trening centar UPFBiH ima centra je Poslovno-obrazovni centar UPFBiH (POC).

A.D. 6.1. Obzirom da nije bilo kvoruma za izjašnjavanje UO je zaključio da će se o Odluci glasati na prvoj narednoj sjednici.

Tačka 7. Inicijativa UDOFBiH za obveznost kolektivnog osiguranja na radu kroz dopune Zakona o zaštiti na radu;

Obzirom da nije bilo kvoruma za rad tačka 7 je skinuta sa dnevnog reda.

Točka 8. Inicijativa za proširenje primjene granskih Kolektivnih ugovora koje je potpisalo Udruženje poslodavaca FBiH;

Vezano za ovu tačku dnevnog reda predsjednik je upoznao prisutne da se Udruženju poslodavaca Federacije BiH obratilo Federalno ministarstvo rada i socijalne politike sa dopisom u kojem na osnovu zahtjeva Sindikata radnika trgovine i uslužnih djelatnosti, traži mišljenje Udruženja poslodavaca FBiH o proširenju primjene Kolektivnog ugovora o pravima i obavezama poslodavaca i radnika za djelatnost trgovine u FBiH („Službene novine Federacije BiH“ broj 85/21).

Na osnovu člana 143. Zakona o radu Federacije BiH („ Službene novine FBiH“ broj 26/16 i 89/18), Federalni ministar rada i socijalne politike može proširiti primjenu granskog kolektivnog ugovora

i na druge poslodavce koji nisu članovi udruženja poslodavaca – strane kolektivnog ugovora, za koje se ocjeni da postoji opravdani interes radi ostvarivanja ekonomske i socijalne politike u Federaciji u cilju obezbjeđenja jednakih uslova rada.

Udruženje poslodavaca Federacije BiH je potpisnik navedenog Kolektivnog ugovora. Pored ovog Ugovora UPFBiH je potpisnik i još četiri kolektivna Ugovora za djelatnosti proizvodnje i prerade metala, drvne i papirne industrije u FBiH, građevinarstva, te za djelatnost cestovnog prometa za teritoriju FBiH. U svim navedenim Kolektivnim Ugovorima strane potpisnice su suglasne da se navedeni Kolektivni ugovor primjenjuje na sve kompanije iz tih djelatnosti.

Shodno navedenom UO treba donijeti Odluku o inicijativi za proširenje primjene svih KU koje je potpisalo Udruženje poslodavaca FBiH.

Svi prisutni su dali suglasnost za donošenje ovakve odluke.

Nakon diskusije donesen je sljedeći zaključak:

A.D. 8.1. Obzirom da nije bilo kvoruma za izjašnjavanje UO je zaključio da će se o Odluci glasati na prvoj narednoj sjednici UO.

Tačka 9. Razmatranje pitanja rada studenata;

Vezano za ovu tačku dnevnog reda predsjednik je upoznao prisutne da je Udruženje pripremlilo dva prijedloga za regulisanje pitanje rada studenata u FBiH. Jedan prijedlog je izmjena Zakona o radu što je najvjerojatnije trenutno najteža varijanta i drugi prijedlog je Uredba o studenstkom radu. Navedene prijedloga UPFBiH je uputilo prema Vladi.

A.D. 9.1. UO je primio k znanju informaciju.

Točka 10. Tekuća pitanja

Pod tekućim pitanjima raspravljalo se:

- Zakon o ESV-u na nivou KS
- Podrška projekta T.O.O.L Leaders of Tomorrow 8.
- Informacija o usvjanju Zakona o porezu na dohodak i Zakona o doprinosima

Nakon diskusije donoseni su sljedeći zaključci:



A.D. 10.1. UPFBiH će pripremiti primjedbe na Zakon o ESV-u KS i dostaviti svim članovima UO UPFBiH i UO KS.

A.D. 10.2. UO je dao ovlaštenje direktoru da poduzme sve aktivnosti podrške projekta T.O.O.L Leaders of Tomorrow 8. u iznosu od 1.000,00 KM.

Sjednica je završena u 14: 00 sati.

Zapisnik sačinila:
Mersiha Jusić, sekretar

PREDSJEDNIK UPRAVNOG ODBORA
Adnan Smailbegović, s.r.